


PAMFLET

734



III

DERTH
ACC
VVAER-
EN

By la

W 635
EENEN

Wellevcom ende Adieu

opde Reconciliatie der Stadt
van Bruessele.

Incarnatie.

DERTHIEN MEERTE GODT EEN LIEFLIICK
ACCOORT//SONT,
VVAER-DEVRE HAER BRVESSELE IN RVSTE
EN CONFOORT//VONT.



TOT LOVEN,
By Ian Maes, ghesvoren Boeckprinter, opde
Prooffstrate, int Groen Cruys. 1585.

Met consent vanden Hone.

734

82

Verheucht v Buessele/ wilt nu vrolick wesen/
De druck es genesen// die v lāge heeft beswaert:
Den dach daer ghy naer haecte/ es opgheresen/
En den nacht mispzesen// door een nieu licht verclaert:
Verheucht v Buessele/ vreucht en jolijt vzi baert/
Looft den Heere almachtich met blijden gheeste:
CONCORDIA heeft t'verstropde by een ghepaert/
En t'schep ter hauenē brocht vunter tempeeste:
Tweedzacht slaep hier nu die felle beeste/
En t'ghewelt van Mars door den vrede swicht:
Verheucht v dan alle inder vreden feeste/
Den vrede vereyscht datmen blijchap sticht.
Laet v herten swaermoedich/ nu worden verlicht/
En schozt v kermen/ v suchten/ v schrepen:
Daer troost voorde handt es, moet droefheyt scheyen.

A straten daer eertijts Bellona wreet
Bloet heeft ghestort in des crijchs fureure/
Met lustich cieraet ouer al nu becleet/
En bestropt met rooskens soet van gheure.
Daer onlancx tranen bloeyden met ghetreure/
Laet daer nu schincken den wijn van confoort:
Want PAX compt aene diet al stelt in fleure/
Door de soeticheyt van een lieflijck accoort.
Wellecom Peps ghepzesen door Christus woort/
Die v tot ons seyndt vuyt de hemelsche sale.
Wellecom Princesse die dat tacken bringt voort/
Welck Noe ontfinck door het duycken lopale:
Wellecom concepte alles goets liberale/
Wellecom ghaus der ghauen excellent:
Salich es de plaetse daermen vrede kent.

Wellecom pant en inweel van prijse dier/
Wellecom schat van hoogher estimatie:
Het es gheleden nu heel acht iaren schier/
Dat ghy verliet onse habitatie/
En dat Martis bloetgierighe regnatie
Ouer ons quam planten haer tyrannich ghewelt.
Och hoe menichwerf in soo langhen spatie/
Hebben wy ws (o lieflijcken Peps) vermielt?
Hoe dickwils hebben wy/ met ghedachten ontstelt/
Beclaecht v verreck tot onser schaden?
Maer dats ghepasseert: te recht heeft ons ghequeelt
Godts straffe/ om de booshept onser daden:
Te recht heeft hy ons met plaghen gheladen/
En den brede gheweyt die wy hadden missaect:
Die t' soete veracht, es vveert dat hy t' bitter smaeft,

Maer nu den toorne des Heeren gheslist // es/
Dies ghy van nieuws ons compt visiteren:
Wellecom dan/ want door v ghe-endt den twist // es/
Die ons soo langhe heeft doen languisseren.
Wellecom Peps daer wy naer aspireren/
Als t' dorstich hert naer der fonteynen bloet:
Als de ghewonde/ die om t' consoleren
Zijnder smerten/ haect naer den chirurgijn goet.
Wellecom zijt ghy/ als was zijnder moeder soet
Tobias/ naer zijn lanckduerighe absentie.
Als Petro den enghel/ die hem met blijder spoet
Verlosse van Herodes quade intentie.
Wellecom Peps door Godts prouidentie/
Den allendighen in haren noot gheiont:
Noyt meerder ghifte dan daer Godt vrede sont.

A ij

Wellecom oock IUSTITIA verheuen/
Die metten Peys tot ons nu wederom keert:
Den schijn eplaes van u en was ons maer bleuen/
Maer ghy waert wech/ want wy u hadden onteert.
Jae Ghewelt hadde ons ouer al soo verheert/
Dat onrecht selue in uwen stoel heeft gheseten.
D'experientie es claer diet wel heeft gheleert/
En d'onnoosele verdruete moghent weten.
O heplighe ymaige/ daer ghy zijt vergheten/
Daer eest al verwoest en sonder ontsach.
Lof heb God voor zijn goetheit onghemeten/
Datmen u wederom hier aenschouwen mach.
Wellecom Justitia die verdreuen lach/
Wellecom plantsoen daer alle deuchden in bloeyen/
Daermen Peys begheirt, daer moet Iustitie groeyen.

Wellecom FIDES diemen bannen// wou
Ende buyt ons palen eenwelijck versteken/
Om datmen te bat u volck vermannen// sou
En van d'onnoosele hem looffelijck wreken.
Hoe heeftmen u hier met valsche treken/
Naer lust en passie herwaerts en derwaerts gedraept?
Elck wou van u naer zijn sinlijckheyt spreken/
Elck was (soe hem docht) met Gods geest bespraept:
Wat hebben zy menich oncrupt ghesaept/
En fenijnich voetsle voor den verblinden.
Met ijdel bedroch hebben zy de dwase ghedaept.
Want zy den buyck en haer wellusticheyt dinden:
Godts oprecht woort was alleen by hun te binden/
Al wat hun mishaechde/ men valscheyt hiet/
Maer sulcx es int duyfter die meynt dat hy tlicht siet.

Wellec6 Waerheyt die versmaeyt en veracht//waert
Om dat de leughene v plaetse hadde ghetregen:
T'scheen dat ghy te voren langhe versmacht//waert/
En nu ten lesten buytquaemt onverswegen.
T'was al abups dat wy van v te spreken plegen/
Want een nieuwe waerheyt wasser booz de haut.
O wellecom licht met Godts cracht bedegen/
Wellecom den schaepkens uwer kopen constant.
Ons herte is noch werm vanden iersten bzant/
D'water der valscheyt en konst ons noyt verkouwen.
Wellecom fonteyne in Godts kercke gheplant/
Aen wyens dranck wy ons vastelijck houwen:
Die onreyn cisternen wy gansch versponwen/
En tot v alleene wy d'aenschijn bieden// al/
Die de Waerheyt mint, de leughene vlieden//zal.

Wellecom soete Liberteit oock mede/
Niet naer de sinlijckheyt oft den bleesche onreyn/
Maer naerden gheest vol godlijcker zede/
Die eenen troost es der ghelooighen ghemeyn:
Dat wy verlost vander godlooser treyn/
In ruste des herten Godt moghen behagen:
Dat wy als bloeyende ranckens teeder en cleyn/
Versaemt metten wijnstock ons lieflijck nu dragen:
Dat wy van tyrannijs en ghewelt ontslagen/
Tot ons moeder Godts kercke hernemen den pat/
Die met haer boetsle (als in boozleden dagen)
Conforteren zal ons ledekens mat.
Dat t'godlijck woort open kostlijcken schat/
In spijt van Sathan hier nu mach beclijuen:
Daer deucht haer vrijheyt heeft, moetmē blijchap drijuen.

A iij

Wellecom Pasteurs en herders generale/
Die den wolf veriaecht hadde met heeten moet:
V kudde verlingt naer v principale/
Om weder te wesen in v behoet:
Wellecom Medecijs der zielen broet/
Compt onse smerten inwendich ghenesen:
Ververscht ons herte/ blust der dorstighen gloet/
Bringt olie en wijn/ sterckt aderen en pesen:
Weyt ons creente met een soetheyt duynghelesen/
Salft lieflijck onse wonden/ en schout rigeur:
Compt bermhertichlijck als ons hooft gheprezen
Christus / der gratien en ghenaden fleur.
Vergaert de verstopde met nersich labeur/
Ontfangt de ghequetste / wilt liefde ontplupcken:
Wel den schapen daer de herders vvijsheyt ghebruyccken.

Verthoont v aenschijn toch ghenadelijck/
En den bedructen doet consolatie:
Alle strafficheyt waer hier schadelijck/
En zeer dangereus uwe indignatie:
Helpt v schaepkens / maer sonder curbatie/
En naer haer siecte v medeciinen tempereert:
D'eene heeft verdooft ghegaen een langhe statie/
En met fenijnich aes hem ghesustenteert:
D'ander heeft hem onnooselijck gheabuseert/
En den gheur alleene des fenijns ontfanghen:
Wepnich esser zy en hebben ghefalleert/
En met veel wonden zijn zy meest al bevangen:
Maer wilt recepten der gratien langhen/
Ende een saecht cureren dē vaetkens cranck // gheeft.
Want saen mach hy vallē, die ins' vleeschs bedvvanck // leeft.

Wellecom vzienden / wellecom broeders bemint/
Ons herte verheucht hem van v presentie:
Al heeft ons Mars dus langhe dooz zijn bewint/
Van een gehouden met violentie:
Nochtans en hebben wy gheen diffidentie/
Dat daerom de liefde min es perfect:
Want al scheen het lichaem in differentie/
In ons bleef nochtans d'affectie onbevleet.
Weest dan wellecom/ en d'oude vzienschap ontweert/
Warachtighe liefde en laet niet haest haer schepen.
Wellecom al die aen tzeel van Concordia trect/
Wellecom al die inden peys hun vermeyen.
Al heeft men ons lanck naer desen dach sien bepen/
Nochtans is hy commen dies wy hem eeren // vzij:
Als Godt vvilt, sietmen druck in vreucht verkeeren // blij.

Ende A DIE V ghy alle die vrede gehaeyt // hebt/
En eendracht versmaeyt // hebt/ vuyt gansch herten.
Die v int opstel van Mars verslaeyt // hebt/
Ende v aes ghebaeyt // hebt/ vuyt onse smerten:
Die om discoort te houden ghing tot allen merten/
Om fluyten en trompen / die ghy ghaeft menichfout.
Adieu onvzedich volck / bedziechlijck van perten/
Ten es niet dan dobbelheyt al wat ghy bzout.
Adieu o Rijck van allen leughenen stont:
Adieu liefhebbers van des lants ruijne.
Dat wy v opt aenhoorden/ ons dyslentwerf ront/
Want v valscheyt bedert ghy met blijden schijne.
Adieu opzorighe/ stropers van fenijne/
Dooz v men wachren/ als dooz hyppocrijten // moet:
Want gheerne compt den vvolf in schaeps habijten // soet.

Adieu mepneedighe/ ontrouwe ende infame/
Zeer goet van woorden/ maer van wercken quaet:
Heel rijck zijt ghy in beloften bequame/
Maer selden bethoont ghy die metter daet.
Ghy liept verlozen als ballingen desperaet/
Van lande tot lande / van stede tot stede:
En wy bedroeft / om v allende desolaet/
Hebben v ontfangen met vbindelijckhede:
Dies ghy beloefde vasten peys en vrede/
Om met ons te bliuen eendzachtich int verbont.
Al wat tegen onsen ghelooue strede/
Sept ghy te laten (soot scheen) vuyt goeden gront:
Maer dit hadt ghy al vergheten terstont/
En liet de leughene vuyt uwen wercken blijcken:
Bedriegen vvillen zy, die van haer vvorden vvijcken.

In hupsen en camers ghy pzenen // ghingt/
En begonst te saepen het saet van erreure/
Deen vooz/ dander naer ghy met loosen treken // bingt/
Om dat v leeringhe soo soet was van gheure.
Terstont riept ghy om kercken t' uwen fabeure/
Om vrij te verkondighen tverkeerde Godts woort;
Dies wy (al gheschieddet met doleure)
Een deel onser kercken v lieten dooz accoozt.
Den Religionvrede brocht ghy ons voozt/
Die deene en dander sou houden in rusten:
En wat wast? alle schaemte ghy verloozt/
En naemt onse kercken gansch / naer v belusten.
Alle ons ghiften gheensins v begheirte en blusten
Maer onstaken t' vier daer ghy naer hakende waert/
Die den ondanckbarighen deucht doet, qualijck vaert.

In Godts tempels liept ghy als dieren // fel/
Smijtende/ stootende al wat v stont vooz ooghen.
Ghy mocht vzij slaen/ ghebeyzen en tieren// wel/
Donnoosele beelden moestent al ghedoogen.
Daer sachmen v v Chzistelijckheyt thoogen/
Aen Godts beelt/ dwelck ghy met voeten hebt geplet.
Van t' Cruys (daer de duyvelen vooz booghen)
Hielt ghy uwen spot/ als heydensche van wet.
Aen koffers en schzappzæpen maecte ghy v bet/
Als broeders in Kisto sonder falen /
Gout / siluer/ en metael droecht ghy met/
Yser/ steen/ en clocken sachmen v wech halen :
Den dooden/ dies niet en konsten vertalen/
Naemt ghy haer sercken/ en hebt die vercocht :
Godts gheest en hadde hy noyt, die te stelene socht.

Godts autæer daermen t'sacrificie // plach/
Dwelck Chzistus eens dede/ te rememozeren/
Ter aerden ghevelt door v malicie // lach/
Daermen v wonders hoorde blasphemeren :
De tafels waerop int celebzeren
T'warachtich Daeschlam selue quam present/
Heeftmen v sien tot schonsteenen employeren/
En tot cieraet uwer speelhouen ient.
De sacramenten/ Godts gauen excellent/
Hebt ghy betreden met dorperheyt vilepne ;
Dus my te recht doet segghen v regiment/
Adieu kerckbrekers / Adieu kerckroouers ghemepne:
Adieu beeltstozmers/ blasphemeeorders onrepne:
Adieu sacrilegen / die vooz Godts ooghen stinct/
Die t'licht des gheloofs derft, tot alle boosheyt finct.

B

Adieu Capus generatie blint/
Inden nacht ws nachtemaels gansch verdroncken/
Adieu verdwaelde/ die waeyt met allen wint/
Heyl der duysticheyt / aeg der hellscher speloncken.
Adieu ministers van Sachans boncken/
Adieu bedrieghers om v eyghen proffit/
Adieu Propheten/ van wien wordt gheschoncken
Den wijn der dolinghen / met een sinlijck solijt.
Adieu dienaers van Baal vermalendijt/
Core/ Dathan/ en Abirons ghesellen;
Adieu trompetten des opzoers breet en wijt/
Boden van Antichrist/ die daer leyt ter hellen/
Adieu apostaten/ hoofden der rebellen/
Duylgheloopen monicken/ die heplicheyt bliedt/
Dolen moet hy, die den verdoolden d'oore biedt.

Adieu grauen ghepalleert en verciert // sijn/
Ghevepsde gheesten vol valscher mine:
Met grooter heplicheyt schijnt ghy gemaniert // sijn.
Maer tes t'cleet des wolfs die om grijpen doet pijn.
Als de Joden met wtwendighen schijne
Verblint ghy het volck dwelc naenieuwichheit craeyt.
De mueren uwer kercken staen vol doctrijne/
Met kostelijke letteren ouer al verfraeyt:
En daer-met zijn v discipelen ghepaeyt/
Al mach dinwendich in doctricheyt steruen/
T'es fraey dat ghy den tempel met schrijftueren laeyt/
Ende inden mensch alle brachheit laet eruen.
Adieu moordenaers die de zielen bederuen/
Adieu herders die dooz de veynster clompt/
Suspect es den leeraer, die van zijn seluen compt.

Adieu tyranen/ ick moets ghewaghen/
Die om ons te plaghen // waert meesters perfect.
In liberteyt was allen v behaghen/
Soecken noch vraghen // en woudt ghy zijn subiect.
V conscientie en mocht niet wesen ontdeckt/
Maer vzij (soo ghy seyt) van sulcke slavernije:
En doen wy (van v veracht en begheert)
In coten en kelders Godt dienden als d'onbzij/
Waerom thoonde ghy v doen soo partij/
Dat ghy daer boeten af naemt met grooter eracht?
Was de liberteyt doen ghestelt op dzij?
Oft en hadt ghy die maer tot decxsel bijgebracht?
O godloose menschen die niet dan list en dacht/
Al hebt ghy archept en dobbelheyt gheplogen:
Den bedriegher int eynde vwordt selfs bedrogen.

De daghen die Godts kercke ghestelt // heeft/
Om eeren en bieren met reuerentie/
Soo saen als Caluinus gecommen int belt // heeft/
Hebt ghy die ghebrocht tot vilipendencie.
Daer naer / om al te hebben naer v intentie/
Woudt ghy ons dwinghen tot selfste met rigeur/
Penen stelde ghy door Sathans inuentie/
Door die niet en volgden ws ghebodts teneur.
Dit was de liberteyt schoone van couleur/
Ende int effect tyranich van conditie:
Maer v bidt daghen hadden meerder faueur/
Die ghy gheboodt op groote punitie:
Duwe was goet / het onse supersticie/
Want Godts wijsheyt hadt ghy alleene ghebaet:
Wee hem die den ouden vvech voordien nieuwen laet.

A ij

Ons insettinge (seyt ghy) menschen gebode // was/
Oft papen droomen naer v calculatie:
Ende v beuel warachtelijck van Godt // was/
Oprecht en weerdich alder estimatie.
Maer wie gheboot des woensdaechs obseruatie/
Die ghy tot bidtdach hebt ghedediceert ?
Doet schrijftuer daer pewers af narratie ?
En zijnt geen mensche die hem hebben gh'ordonneert?
O verblinde/ hoe depzlijck ghy v abuseert :
Selfs doet ghy/ dat ghy in ander wilt misprijsen.
Eest dat den menschen dees macht niet en competeert/
Dat ghy meer dan menschen zijt/ moet ghy bewijsen.
Ick dencke ghy wilt met Lucifer oprijsen/
Ende als Godt gebieden pompeuselijck:
Maer sulcx meynt climmen, die daelt malheureuselijck.

Adieu segge ick dan/ ghy leeraers opgheblasen/
Int wercken slap / int roemen seer baillant:
Adieu die wonder van t'ghelooue kont prazen/
Maer den Atheisten vleus sult gheuen de hant.
Adieu Caluinus schole in boosheyt abundant/
Adieu ghewapende Euangelisten.
Christus heeft t'gelooue saechtmoedelijck geplant/
Maer ghy des tweedzachts zijt rechte artisten.
Met cracht/ met ghewelt/ met moort der papisten/
Stricht ghy v kope als furieus en verwoet:
Met schatten / met scheren/ met t'roouen der kisten/
Met der onnoosel papen en monicken bloet:
Dits van uwer leeringen den iersten boet/
En t'fodeersel daer ghy Gods woort op meynt bouwē:
Daer den gront onvast es, en mach dverck niet houven.

Maer dits d'erempel van uwen patroone // fent /
Die waer hy quam al steldet in rueren:
Diesmen v al van gelijcken thoone // kent /
Ende in dit stuck zeer eenparich van natueren.
Caluinus was ongodliick / vol booser kueren /
En zijn discipulen in boosheyt wel vernaemt.
Adieu gheslachte vol onghedueren /
Die v den wech uwer boozvaderen schaemt.
Adieu consistozie soo dickwils versaemt /
Om de saken int verwerde te stieren.
Adieu schupm diet al by een hebt geraemt /
Wat doude ketters mochten versieren.
Adieu ghediffoormeerde menighertieren /
Adieu partijdighe Chyristenen al:
Daer gheen liefde en vvoont, daer zijn de deuchden smal.

Adieu vernufte doctozinnen // mede /
Die v met schyfcueren moepdde alle den dach /
Twaer beter datmen v spinnen // dede /
En dat ghy leerde wat t'blas ghellen mach.
Die hooghe mysterien / die met ontsach
De cloeckste des werelts plegghen te doozgronden:
En daer zy (al was den arbeyt sonder verdach)
Hun dickwils in grooter swaricheyt bonden /
Dat was nu terstont vanden vrouwen ontbonden /
Met clepnder moeyte / want den text was claer.
Adieu curieuse verblint in v sonden /
V verstant es te cranck booz schyfcueren boozwaer.
Adieu sangers / en sangerffen booz en naer /
Adieu diakenen / Adieu nieuwe onderlingen :
Een deuchdich leuen es voor Godt het beste singen.
B iij

Adieu oock (twaer iâmer dat ghy vergeten//bleeft)
Dypt-iaghers en banners van lieden met eeren:
Die t'volck gheweldelyck naer v bermeten// dreeft/
En redene in moettwille deedt verkeeren.
Adieu die den Soldaten ghingt leeren/
Om met fortsen te gheraken aen ons ghelt:
Die met wapenen/ tot ons leets vermeerden/
In v kercken stont/ ende aensaecht ons ghewelt.
Adieu die om den peys soo zeer waert ontselt/
Dat ghy lieuer v hupsen in brant woudt steken.
Adieu diese al booz verraders hebt gheschelt/
Die van versoeninghe wilden spreken.
Adieu gheselschap van Godt afgheweken/
Adieu kinderen van twist en discoort:
Die den vrede haet, bringt alle boofheyt voort.

Adieu ten lesten der onghenaden // bende/
Onmenschelycke menschen vol bitterheyt/
Met grooter wreetheyt t'spel uwer daden// ende/
Want gheerne t'fenijn inden steerte leyt:
Doen ghy saecht dat v den val ws rijck was bereyt/
En dat v den hongher mat soude maken:
D'arme menschen (diemen hier hadde planteyt)
Moesten t'subject wesen van uwer wraken:
Die dreeft ghy wt / o ongodlycke saken!
Int herste des winters / van allen bijsant bloot.
Op t'velt mochten zy naer eten ligghen snaken/
En daer bondmen hun met menichten doot.
Ander opder straten steruen dooz honghers noot/
Al gaende/ al staende/ sachmen den gheest beghenen:
Daer deen dander vernielt eest verdrietich leuen.

De kinderkens teer aender borsten soghen/
Daer de moeders doot lagen / van hunger versmacht:
Ende alsment v clacchde/ twas al gheloghen/
Want ghy den hertneckighen Pharaon slacht:
Jae al saecht ghyt selue/ luttel hebdijs gheacht/
Mids de versteenheyt van v couraige:
Ongansche spijsen hebt ghy bij-ghebracht/
Om te langher te spelen v personnaige.
Hauer / mout van eylijcker ymaige/
Hebt ghy tot spijsen vuytghedept vooz groot en cleyn:
Jae stoo wout ghy gheuen vooz broers vsaige/
Hadt ghy volbrengghen connen v opset vileyn.
Vergaen van ghebreck/ docht v een sake ghemeyn/
En tricaet des crijchs/ die forste leert poogen:
Geen quaet en spaert hy die Godt niet en heeft voor oogen.

Ons cozen/ons terwe/ons voetsel naemt// ghy/
En gaet het (soo v luste) vooz-den Soldaten:
Hupsen/camers hebt ghy doorsocht onbeschaemt//vrij
Dies wy een ure gherust niet en laten.
Als v slauen hielt ghy ons t' uwer baten/
Om v boosheyt te houden in haren fleur.
En tot sulcken noot brocht ons uwen sin verwaten/
Datmen drazf en schellen at met doleur:
De stecken der coolen sochmen met labeur/
Jae t'bloet der koepen vooz spijsen werdt gheten:
Niet en was den benauden te cranck van gheur/
Want de wreetheyt des honghers hadt al verbeten:
Ende alleene om v obstinaetheyt onghemeten
Heefmen alle dese miserien gheproeft:
Maer vvee hem die den armen buyck bedroeft.

Dit was b regiment generatie // fier/
Dit was de deucht daer ghy af mocht glozieren:
Dat ghy elcken brocht tot desperatie // schier/
Mids t'verdriet dwelck ghy hier deedt abonderen:
Darmen ouer al hoorde lameren/
Suchten en schrepen met sinnen confus.
Darmen al-om sach tranen distilleren/
Datter droef heyt ouer al was in hups.
Datter alle daghe opstont een nieuwe crups/
Dat niemant en was sonder kermen oft clagen.
Dies wy wel segghen moghen / Adieu ghespups/
Daer Godt de zijne met woude plagen.
Adieu plantsoen daer Sathan in heeft behagen/
Adieu om quaet doen instrumenten // goet:
Adieu hydra die duyfent serpentes // broet.

*Rhythmi isti docti & utiliter conscripti
sunt. 1585. 16 Aprilis.*

Joh. Molanus/ censor.



